

L'BRIBEUX

El' casquette volante au p'tit Noël

JEUMONT. — « Au nid soit si l'mâle y pense » comme dit l'champête de Bérelles... quitte à c'qu'on m'prinsse à Jeumont... pou c'qué je n'su nin, m'a confié l'petit bouche Noël au téléphone... ej' d'ai vue leune étou... ml... et eune belle !

J'su co tout bleu d'peu... même qu'el médecin d'famille m'a dit qu' c'asto l'jaunisse vo savez bin à l'Frontière, qu'après eune forte peû... on fait uriner les éfants... éno ? Eh bin ml... j'esto desquind du pou ça et j' n'ai nin pu pousser m' n'action jusqu'au bout.

V'là m'récit dins tout c'vraie simplicité. Comme dimanche passé on d'avo r'bu deu toi d'trop in juant au billard à trôs, j' m'avo couqué... bin servi... dins l'lit conjugal vers les invirois d'minuit... quant à peine allongé dins les draps... v'là qui m'prind eune invie d'pichie à fait braire un lancier du Roi.

J'mfile mes jévas... ej' desquind l'escalille tout doucement... et comme je n'tiens nin a fait comme les mauscuépis qui pichent au coin d'leu cuisine... j'em' dirigeos vers el fond du gardin... quand pa dri l'parc ed naviaux... ej' vois un grand machin d'el forme d'el casquette à Pierre el borgne... qui s' balazçot au d'zeur d'un grousele.

J'avo comminché à m'libérer... l'estupeur m'a fait arrêter net... j'ai fait d'mi tour aveuglé pa l' lueur du bazar et j'ai delouillé l' tchien... qui s'a mis à danser comme un damné...

J'ai crié « Mémaine... apporto mé m'fusil... j'vas tuer un Martien !

Mais les feumes, ça a l'sommeil pesant... elle s'a r'tourné in groumelant : « Viens t'couchie... gungusse... ed t'a l'heure tu va co quéi dins l'éterne ! »

Mais Tatur s'a rinillé et on a sté constater les dégâts après que l'bazas s'a involé du costé d'Quéwette.

...D'mandez putôt à les gendarmes et au champête... y z'ont constaté l'herbe espotchie su un mète vingt d' diamète... el bas

d'em maronne tout roussi et l'queue du tchien étou...

J'vois bin d'etel qu'vo n'volez nin m'croire... mais c'est vrai, zavée ! Vo pouvez l'mette su vo gazette Allo... A revoir d'abourd.

P. c. c. : A.H.
P.-J. el Bribeux.

Nota-béné : Prière de ne nin confondre el sienne à Noël avec el sienne de l'anonyme... sans ça on n'jue pu.